

Festival di buki di mucha 2005 cu un comienso Magico

ORANJESTAD – Na biblioteca nacional na playa tabata tin e gran apertura di Festival di buki di mucha 2005 cu e aña aki tin un toke magico. Den presencia di su Excelencia Gobernador Sr. Refunjol y un publico bastante grandi e atardi a ranca sali den puro magia. Despues di e presentacion di a 'kinderboeken week geschenk', cu den e caso aki ta e buki 'Hopus' skibi pa Liliana Braamskamp cu bo ta ricibi cu cada compra di mas di 20

florin di e bukinan cu ta wordo presenta den e siman aki, a sigui un tremendo mercado di buki. Un dushi ambiente sigur tabata tin pa tur e muchanan y mayornan cu tabata presente. Corda cu henter e siman aki entre 3or pa 4 or di atardi lo tin contamento di storia na biblioteca nacional tanto na playa como na San Nicolaas. E schedule ta lo siguiente, awe di 8 di November na playa Theatergroep Paradox y na San Nicolaas Liliana Braamskamp lo conta storia.

Dia 9 di November na biblioteca na playa lo tey Sra Laura Quast y na San Nicolaas Sr. Dolfi Kock. Dia 10 di November na biblioteca na playa lo tey Sra. Gabriela Mercera y na San Nicolaas Theatergroep Paradox. Y dia 11 di November lo tin e clausura cu lo ta na Biblioteca na playa entre 4or y 6or di atardi. Mayornan corda hiba e muchanan scucha storia henter siman entre 3or y 4or di atardi pa asina stimula lesamento, cu di berdad ta algo Magico!

